

**Constituziun  
dalla vischnaunca da Falera**

## Constituziun dalla vischnaunca da Falera

### I. Disposiziuns generalas<sup>1</sup>

#### Art. 1 La vischnaunca

La vischnaunca da Falera ei ina corporaziun territoriala dil dretg public. Ella cumpeglia las persunas domiciliadas en siu territori.

#### Art. 2 Autonomia

El rom dalla legislaziun federala e cantunala ha la vischnaunca il dretg d'administraziun autonoma.

Ella exercitescha enteifer ils tiarms da sias cumpetenzas legalas tut ils dretgs suverans sur dallas persunas, dils animals e sur dallas caussas che sesanflan en siu territori.

#### Art. 3 Principi territorial e lungatg ufficial

La vischnaunca da Falera sesanfla el territori romontsch. Il lungatg ufficial dalla vischnaunca ei il romontsch.

#### Art. 4 Dretg da votar e dretg d'eleger

Habels da votar ein burgheis svizzers dad omisduas schlattineas che han cumpleniu il 18avel anniversari e ch'ein buca sut curatella cumplessiva pervia dall'inabilitad permanenta da giudicar ni che vegnan buca representai d'in mandatari.

Il dretg da votar en fatgs communals han ils burgheis svizzers ch'ein habels da votar e ch'ein domiciliai en vischnaunca.

Ella suprastanza communalia san vegnir eligidas persunas cun dretg da votar ch'ein domiciliadas en vischnaunca il pli tard il di dallas elecziuns. Ellas ston salvar lur domicil en vischnaunca duront l'entira perioda d'uffeci.

#### Art. 5 Perioda d'uffeci

La perioda d'uffeci dallas autoritads communalas cuoza mintgamai quater onns.

Tgi che ha fatg part d'ina autoritat communalia duront treis periodas d'uffeci ina suenter l'autra, sa buca vegnir reelegius pli per la proxima perioda d'uffeci. Periodas d'uffeci entschattas valan sco entiras.

Per il temps d'uffeci d'in commember dalla suprastanza communalia vegnan las eventualas periodas d'uffeci sco commember dalla cumissiun da gestiun u d'ina autra autoritat communalia buca quintadas. Medemamein vegn il temps, duront il qual il president da vischnaunca ei staus commember dalla suprastanza communalia, buca quintaus.

Sch'in post daventa vacants duront ina perioda d'uffeci, sto vegnir fatga in'elecziun substitutiva per il rest della perioda d'uffeci, schinavon che la proxima elecziun ordinaria ha buca liug il pli tard enteifer

---

<sup>1</sup> Indicaziuns da persunas e da funcziuns en questa constituziun sereferestan ad omisduas schlattineas, nun ch'ei seresulti autruisa el senn dalla constituziun.

ils proxims nov meins. Per l'elecziun substitutiva valan las medemas disposiziuns sco per las elecziuns ordinarias.

#### **Art. 6 Termin dallas elecziuns ed entrada en uffeci**

Las elecziuns dallas autoritads communalas han liug mintgamai egl emprem miez onn.

Demissiuns ein d'inoltrar alla suprastonza communalala tochen il pli tard la fin da fevrer.

L'entrada en uffeci ha liug igl 1. da fenadur. Il titular d'uffeci partent ei obligaus da surdar siu uffeci en uorden.

#### **Art. 7 Participaziun a sesidas, cumpetenza da decider**

Cun resalva da motivs perstgisabels ein ils commembers dallas autoritads obligai da participar allas sesidas.

In'autoritat ei cumpetenta da decider, sche silmeins la maioritad da ses commembers ei presenta ed ha il dretg da votar.

#### **Art. 8 Obligaziun da votar**

Mintga commember dallas autoritads ei obligaus da votar da votaziuns e d'elecziuns. Resalvadas restan las disposiziuns davart il prender stgisa.

#### **Art. 9 Decisiuns, autoritads communalas**

Per las decisiuns dallas autoritads vala il pli dallas vuschs dils commembers presents. En cass da paritad da vuschs decida il president, en cass d'elecziuns la sort.

Igl ei admissibel da prender decisiuns per via circulara ni en fuorma electronica. La decisiun per via circulara ni en fuorma electronica pretenda denton l'unanimitad da tut ils commembers dall'autoritat communalala.

#### **Art. 10 Dretg d'iniziativa**

30 persunas cun dretg da votar en fatgs communalas san pretender cun suttascripcziuns chiei vegni votau sur da lur proposta. Excepidas da quei dretg ein decisiuns che autoritads communalas han priu sin fundament da lur cumpetenza ni relaziuns giuridicas regladas denter la vischnaunca e tiarzs

L'iniziativa sa vegnir inoltrada en fuorma d'ina proposta generala ni d'in sboz elaborau. Ella sto vegnir inoltrada cun las suttascripcziuns alla suprastonza communalala.

#### **Art. 11 Procedura d'iniziativa**

In'iniziativa valeivla sto vegnir tractada sin il pli tard enteifer sis meins suenter ch'ella ei vegnida inoltrada.

La suprastonza communalala sa era presentar cunterpropostas alla radunanza communalala. En in tal cass vegn decidiu igl emprem denter la cunterproposta e l'iniziativa. Silsuenter sto la radunanza communalala decider definitivamein d'approbar ni da refusar la proposta preferida ell'emprema votaziun.

## **Art. 12 Retratga dall'iniziativa**

Las treis persunas che han signau sco empremas l'iniziativa ein autorisadas da retrer quella da tut temps tochen alla votaziun, aschinavon che l'iniziativa cuntegn buc otras clausulas da retratga.

## **Art. 13 Iniziativa illegala**

Iniziativas cun in cuntegn illegal ein inadmissiblas e vegnan buca suttamessas alla radunanza communalia.

## **Art. 14 Informaziuns/moziun**

Alla radunanza communalia sa mintga votant pretender sclariment dalla suprastanza communalia davart la situaziun ni la deliberaziun d'ina fatschenta communalia. Il sclariment sa vegnir refusaus, sche impurtonts interess dalla vischnaunca ni da tiarzs cuntrarieschan el.

Il votant ha il dretg da dumandar alla radunanza communalia ina moziun che pertucca in object ordeifer la giesta da tractandas e ch'ei la cumpetenza dils votants. Dalla proxima radunanza communalia dat la suprastanza per regla rapport e fa ina proposta en connex cun la moziun. Sche la moziun vegn considerada per relevonta, sto la suprastanza communalia suttametter per la decisiun in sboz elavurau alla radunanza communalia ni eventualmein era alla cuminanza dils votants all'urna e quei enteifer in onn. Dil rest valan, cun excepciu d'art. 12, las disposiziuns davart l'iniziativa (art. 10 ss.) conformas al senn.

## **Art. 15 Protocol**

Las tractativas dalla radunanza communalia, dalla suprastanza communalia e dallas ulteriuras autoritads ni cumissiuns communalas ein da nudar en protocols separai.

Quels han d'informar silmeins dallas decisiuns, dils resultats dallas elecziuns e d'eventualas reclamaziuns.

Il protocol dalla radunanza communalia sto vegnir exponius sin il pli tard in meins suenter la radunanza. Protestas ston vegnir inoltradas en scret alla suprastanza communalia duront il temps d'exposiziun da 30 dis.

## **Art. 16 Prender envesta dils protocols**

Ils protocols dalla radunanza communalia ein accessibels a mintgin per envesta sin canzlia communalia.

L'envesta dils protocols dalla suprastanza e dallas ulteriuras autoritads communalas vegn mo lubida, sche interess digns da vegnir protegi san vegnir fatgs valer.

Il dretg d'envesta tenor al. 2 sa vegnir ademplius cun consignar in extract dil protocol.

## **II. Organisaziun communalia**

### **Art. 17 Organs communals**

Organs communals ordinaris:

- a) la radunanza communal
- b) la suprastanza communal
- c) la cumissiun da gestiun

**a) La radunanza communal**

**Art. 18 La radunanza communal**

La radunanza communal ei igl organ suprem dalla vischnaunca, ella quala ils habitants cun dretg da votar fan diever da lur dretgs en fatgs communals.

Las radunanzas communalas ein publicas. Per garantir ina radunanza communal tenor igl uorden vegnan las persunas cun dretg da votar e persunas senza dretg da votar separadas. Las persunas senza dretg da votar vegnan plazzadas en in sectur dapersei. Las persunas senza dretg da votar astgan buc influenzar la radunanza communal, cunzun han elllas negin dretg da prender il plaid ed elllas astgan buca far propostas.

**Art. 19 Cumpetenzas**

La radunanza communal ha las suandontas cumpetenzas:

1. eleger
  - a) il president communal;
  - b) ils commembers della suprastanza communal;
  - c) ils commembers della cumissiun da gestiun;
  - d) (...);
  - e) ils commembers della cumissiun da baghegiar;
  - f) (...);
2. relaschar e midar la constituziun communal e las leschas communalas;
3. aprobar il preventiv ed il quen annual sco era fixar il pei da taglia;
4. concluder la formaziun d'ina corporaziun da vischnauncas ni l'adhesiun resp. l'extrada;
5. concluder la fusiun cun otras vischnauncas;
6. concluder expensas definiblas libramein:
  - a) novas expensas unicas sur 100'000 francs e talas che fan buca pli part dalla cumpetenza da decider dalla suprastanza communal;
  - b) novas expensas annualas regularas sur 20'000 francs e talas che fan buca pli part dalla cumpetenza da decider dalla suprastanza communal;
7. lubir credits supplementars e posteriurs che fan buca part dalla cumpetenza da decider dalla suprastanza communal;
8. comprar, vender e dar ad impegn terrens d'ina valeta contractuala sur 100'000 francs sco era conceder dretgs independents e permanentes;
9. acceptar segirtads e garanzias sco era conceder emprests sur 100'000 francs;
10. exequir ulteriuras cumpetenzas tenor la legislaziun speciala cantunala.

## **Art. 20 Convocaziun/tractandas**

La radunonza communal vegn convocada dalla suprastonza communal cun ina publicaziun el Fegl ufficial.

La radunonza communal astga decider mo davart fatschentas indicadas ella giesta da tractandas ch'ei veginida publicada silmeins diesch dis avon la radunonza communal.

## **Art. 21 Direcziun dalla radunonza**

La radunonza communal vegn menada dil president communal. En cass che quel ei impiedius, meina il vicepresident ni in auter commember dalla suprastonza communal la radunonza.

## **Art. 22 Predeliberaziun**

La radunonza communal astga decider mo davart fatschentas predeliberas dalla suprastonza ed indicadas ella giesta da tractandas.

## **Art. 23 Modalitads da votaziun**

Las votaziuns vegnan fatgas cun plimaun. Ellas ston veginir fatgas cun scrutini, sche 1/5 dils votants pretenda quei.

Tier votaziuns cun maunpli ei in project approbaus, sch'il diember dils gies ei pli gronds ch'il diember dils nas. Sch'ei dat ina paritad da vuschs, ei il project refusaus.

Tier votaziuns cun scrutini ei in project approbaus, sch'il diember dils gies ei pli gronds ch'il diember dils nas. Cedels da votar vits ni nunvaleivels vegnan buca dumbrail. Sch'ei dat ina paritad da vuschs, ei il project refusaus.

Igl ei pusseivel da far votaziuns consultativas.

## **Art. 24 Modalitads d'elecziun**

Las elecziuns vegnan fatgas cun scrutini. Sche negin fa opposiziun, san ellas veginir fatgas – cun excepziun dallas elecziuns dalla suprastonza communal – cun plimaun. Eligida ei quella persuna che contonscha igl absolut pli dallas vuschs valeivlas.

Per las elecziuns vala per igl emprem ed il secund scrutini igl absolut pli dallas vuschs valeivlas. El tierz scrutini decida il pli relativ. En cass da paritad dallas vuschs decida la sort che vegin tratga d'in dumbravuschs.

## **Art. 25 Elecziuns en differents uffecis**

Vegn ina persuna eligida en differents uffecis buca cumpatibels in cun l'auter, sto ella sedecider immediat per in ni l'auter uffeci.

## **Art. 26 Reponderaziun**

In conclus dalla radunonza communal sa veginir presentaus da tut temps a quella per reponderaziun. Resalvai ein ils dretgs da tiarzs.

Ei in conclus aunc buc en vigur in onn sa quel veginir reponderaus mo, sch'ina maioritat da duas tiarzas dallas vuschs valeivlas decida quei.

**b) La suprastonza communal**

**Art. 27 Cumposiziun**

La suprastonza communal ei l'autoritat administrativa e poliziala dalla vischernaunca.

Ella secumpona dil president communal e quater ulteriurs commembers.

La suprastonza communal nominescha ord siu miez il vicepresident sco era ils chefs dils departaments e lur substituts.

**Art. 28 Sedutas**

La suprastonza communal vegn convocada dil president communal ni tut tenor dil vicepresident aschi savens sco quei che las fatschentas pretendan.

Sch'in commember dalla suprastonza pretenda quei, ei il president communal obligaus da convocar ina seduta extraordinara.

**Art. 29 Cumpetenzas**

La suprastonza communal ha tut las cumpetenzas ch'ein buca surdadas ad in auter organ entras la lescha federala ni la lescha cantunala, entras la constituziun communalala ni la lescha communalala. Sias cumpetenzas principales ein:

1. applicar il dretg federal e cantunal e las leschas communalas ed exequir las disposiziuns ed ils conclus dalla radunanza communalala;
2. s'adattar al dretg surodinu en atgna cumpetenza, sch'ei dat negin spazi d'agir legislativ;
- 2<sup>bis</sup> engaschar il personal, sche negin auter organ ei cumpetents en caussa;
3. survigilar tut ils process administratifs, la direcziun e l'entira adminisitraziun communalala;
- 3<sup>bis</sup> eleger ils commembers dalla direcziun;
- 3<sup>ter</sup> relaschar in'ordinaziun dall'organisaziun per la suprastonza communalala e la direcziun che reglescha lur cumpetenzas e lur organisaziun, aschilunsch che quellas sedattan buca dalla constituziun communalala e/ni dallas leschas communalas;
4. administrar la facultad communala e tut las partiziuns administrativas;
5. elavurar il quen annual ed il preventiv;
6. preparar tut ils projects per mauns dalla radunanza communalala;
7. concluder expensas definiblas libramein:
  - a) novas expensas unicas sut 100'000 francs. Quellas expensas astgan buca surpassar igl import da tut en tut 500'000 francs per onn;
  - b) novas expensas annualas regularas sut 20'000 francs. Quellas expensas astgan buca surpassar igl import da tut en tut 60'000 per onn;
8. lubir credits supplementars e posteriurs che surpassan buca 20 % dil credit d'impegn ni da preventiv lubiu; en mintga cass expensas supplementaras da pli pauc che 100'000 francs;
9. cumprar, vender e dar ad impegn terrens d'ina velta contractuala da pli pauc che 100'000 francs;

- 9<sup>bis</sup> brattar terrens sco era conceder dretgs reals limitai (sut la resalva da dretgs independents e permanents);
10. acceptar segirtads e participaziuns e conceder emprests tochen 100'000 francs
11. dar concessiuns e conceder auters dretgs da diever special, aschilunsch che quei cumpeta tenor dretg cantunal buc alla radunanza communal.

### **Art. 30 Representar la vischnaunca anoviars**

La suprastonza representa la vischnaunca enviers tiarzs ed avon dertgira.

Il president communal ni siu substitut suttascriva ensemens cun in ulteriur commember dalla suprastonza communalia cun il canzlist communal ni in commember dalla direcziun per la vischnaunca en moda giuridicamein valeivla.

### **Art. 31 Departaments**

Ils commembers dalla suprastonza communalia ston survigilar las fatschentas che pertuccan lur departaments, dad exequir ils acts ufficials necessaris e da rapportar alla suprastonza communalia.

Ils chefs dils departaments substituteschan in l'auter tenor conclus dalla suprastonza communalia. Il president ed ils chefs dils departaments ein obligai da surdar lur incumbensas a lur substitut en cass d'absenza, malsogna ni auters impediments sco era en cass d'ina obligaziun da prender stgisa.

La cumpetenza da concluder ha exclusivamein la suprastonza communalia. Decisiuns en connex cun fatschentas d'imporzonza secundara sa la suprastonza surlaschar al chef dil departament.

### **Art. 32 President communal**

Il president communal meina la radunanza communalia e presidiescha las sedutas dalla suprastonza.

El procura cun agid dils ulteriurs commembers dalla suprastonza communalia ni dalla direcziun ch'ils conclus decidi vegnien exequi.

En cass urgents sa el prender preventivamein las mesiras provisorias necessarias.

#### **c) La cumissiun da gestiun**

### **Art. 33 Cumposiziun**

La cumissiun da gestiun secumpona da treis commembers. Ella seconstituescha sezza.

### **Art. 34 Incumbensas**

La cumissiun da gestiun controllescha sin il pli tard suenter la presentaziun dil quen annual la contabilitad e la gestiun dalla vischnaunca. Ella ha da rapportar en secret alla radunanza communalia e da far proposta.

En accord cun la cumissiun da gestiun sa la suprastonza communalia incumbensar revisurs professiunals cun la controlla dils quens e dallas fatschentas.

Davart observaziuns d'imporzonza secundara sa la cumissiun da gestiun ni igl organ da revisiun far in rapport special per mauns dalla suprastonza communalia.

### **III. Secturs administrativs**

#### **1. Administraziun communal**

##### **Art. 35 Direcziun**

La suprastonza communal sa installar ina direcziun. La direcziun ei suttamessa alla suprastonza communal.

La direcziun meina las fatschentas operativas dalla vischernaunca. Ella ei responsabla per las propostas, l'elavuraziun, l'execuziun e la controlla dils conclus dalla suprastonza communal.

Ella dispona da cumpetenzas da decisiun definidas che cunzun la suprastonza communal attribuescha ad ella sin fundament da l'ordinaziun d'organisaziun. El rom da quellas cumpetenzas sa la direcziun representar la vischernaunca viers anora. Per regla suttascriva il president dalla direcziun ed in ulteriur commember dalla direcziun en moda giuridicamente valeivla.

Sch'ina decisiun dalla direcziun vegn buca prida unanimamein, decida la suprastonza communal.

Encunter decisiuns dalla direcziun sa vegrat fatg protesta a scret tier la suprastonza communal enteifer 20 dis.

La direcziun orientescha la suprastonza communal ad uras, periodicamein ed en ina fuorma adattada. La suprastonza communal ha il dretg nunlimitau da prender envesta dallas actas e dallas informaziuns.

##### **Art. 36 Administraziun communal**

L'administraziun communal procura per l'entira contabilitad e las ulteriuras incumbensas administrativas ed exequeschia las decisiuns dalla suprastonza communal, aschilunsch che quei ei buca caussa dalla direcziun.

#### **Art. 37 Canzlist communal**

(...)

#### **2. Fatgs da construcziun**

##### **Art. 37 Cumissiun da baghegiar**

La suprastonza communal survigilescha ils fatgs da construcziun.

La cumissiun da baghegiar secumpona da tschun commembers.

Ella vegn menada dil schef da departament e seconstituescha plinavon sezza. Las incumbensas e las cumpetenzas dalla cumissiun da baghegiar vegnan circumscrettas ella lescha da baghegiar.

#### **IV. Disposiziuns finalas**

##### **Art. 38 Revisiun**

La constituziun presenta sa vegrir revedida da tut temps totalmein ni parzialmein. Mintga revisiun entra en vigur cun il conclus.

##### **Art. 39 Entrada en vigur**

La constituziun presenta entra en vigur cun l'approbaziun dalla radunanza communal.

Ella sto vegrir suttamessa per approbaziun alla regenza che examinescha sia legitimitad. Quei vala era per mintga midada ni cumpletaziun posteriura dalla constituziun

##### **Art. 40 Annullaziun da disposiziuns cuntradictorias**

Quella constituziun remplazza quella dils 18 da zercladur 2014.

Quella constituziun ei vegrida approbada a caschun dalla radunanza communal dils 19 da zercladur 2020.

Il president communal:

Wendelin Casutt-Cathomen

Il canzlist:

Adrian Vincenz

Approbada dalla regenza cun il conclus dils 11 d'uost 2020, nr. da protocol 649.

En num della regenza

Il president:

Il cancelier:

Ils (...) ei la revisiun parziale dalla constituziun vegrida approbada.

La revisiun parziale dalla constituziun ei vegrida approbada dalla regenza cun conclus dils (...), nr. da protocol (...).